



Lokal særavtale om løns- og arbeidsvilkår ved Nordfjord legevakt og ØHD(øyeblikkeleg hjelp døgnopphald)

Innleiing

- Denne avtalen er inngått med heimel i hovudavtalen § 4-6
- Avtalen byggjer på sentrale avtalar mellom Staten, Den norske legeforening og KS, her under SFS 2305. Avtalen kan reforhandlast i avtaleperioden dersom det skjer endringar i nasjonale forskrifter eller avtalar som overstyrer denne avtalen
- Avtalen byggjer også på gjeldande avtalar mellom kommunane om interkommunal legevakt i Nordfjord med Stad kommune som vertskommune, og gjeldande avtale med spesialisthelsetenesta.
- Denne lokale særavtalen regulerer løns- og arbeidsvilkår ved Nordfjord legevakt. For forhold som ikkje er nemnde i denne avtalen, gjeld SFS 2305.
- Partane i avtalen er Stad kommune som vertskommune for Nordfjord legevakt og ØHD, og Den norske legeforening.
- Denne lokale særavtalen gjeld frå 01.01.2025 til 31.12.2025. Særavtalen fell bort ved særavtalen sitt utløp, med mindre partane vert samde om ny avtale innan utløpstidspunktet

Vakter

Nordfjord legevakt er organisert som tilstadevakt ved Nordfjord legevakt, Nordfjord sjukehus:

Måndag til fredag:	kl. 16.00 – 23.00
Nattevakt:	kl. 23.00 – 08.00
Laurdag og søndag(D1):	kl. 08.00 – 17.00
Kveldsvakt(D2):	kl. 14.00 – 23.00

- *Det er ikkje mogeleg å slå saman D1 og D2 til ei vakt*

- *Det lyt unngåast kombinasjon D1 og natt same døgn med unntak av særskilde situasjonar der arbeidsgjevar og arbeidstakar er samde*
- *Andre vakter kan kombinerast etter avtale med einingsleiar*
- *Andre vaktlengder kan avtalast etter drøfting med tillitsvalde*

ØHD

D1 skal gå på visitt på ØHD-sengene laurdag og søndagar, og på beveglege heilagdaggar.

Legevaktlegane har ansvar for pasientane i ØHD på sine vakter ved Nordfjord legevakt.

Vaktplan

- Vaktplan vert utarbeidd av arbeidsgjevar i samarbeid med legane sin tillitsvald ved Nordfjord legevakt og ØHD.
- Vaktplan skal i utgangspunktet fordelast jamt etter heimlar i ein fellespott mellom kommunane i ordninga, inkludert LIS1
- For å kunne redusere generell vaktbelastning, kan det tildelast fleire vakter til dei faste legane som ønskjer dette, så lenge legevaktsjef og einingsleiar vurderer det som forsvarleg

Fri frå praksis i samband med legevakt

Her gjeld reglane etter SFS 2305.

Løn for legevakt

	Spesialist	Lege ikkje spesialist
Kveld kvardagar	Kr. 1430	Kr. 1100
Dag og kveld i helg	Kr. 1470	Kr. 1140
Natt vekedagar	Kr. 1070	Kr. 900
Natt helg	Kr. 1370	Kr. 1140
Dag og kveld heilagdag	Kr. 1630	Kr. 1300
Natt helg heilagdag	Kr. 1480	Kr. 1300

- LIS 1 godtgjerast med kr. 750 på kveld kvardagar og dag og kveld i helg. Elles følgjer løn til LIS 1 satsar etter SFS 2305.
- Beveglege heilagdaggar gjeld etter kl. 12 onsdag før skjærtorsdag, julaftan, nyttårsaftan, pinseaftan og frå kl. 00.00 påskeaftan
- Dersom det vert avtalt mellomvakt i samband med Malakoff kl. 20.00 – 0300 natt til laurdag og natt til søndag, skal legen avlønast med 50 % i tillegg til timeløn
- Det vert rekna feriepengar på utbetalt løn
- Alle inntekter knytt til legevakt vert inntektsførte på Nordfjord legevakt
- Arbeid utover ordinær arbeidstid vert rekna som meirarbeid, men skal lønast i samsvar med tabellen overfor
- Nordfjord legevakt skal arrangere legevaktseminar, eitt vår og eitt haust

Anna avlønning

Oppgaver:	Avlønning
Pålagde øvingar	Skal godtgjerast med vanlege timesatsar med bakgrunn i kompetanse
Legevaktseminar, og evt. andre møte	Godtgjersle på 75 % av timesatsane i tabell 1 i løn for legevakt
Pålagde og uføresette hendingar, utkalling ved NLV eller AMK	Skal avlønast som vakans med kort frist
Akuttmedisinforskrift	Kursavgift skal dekkjast med bakgrunn i kompetansekrav i akuttmedisinforskrifta for fastlegar
Best-øvingar i NLV (kl. 15-16) Forskriftsfesta, obligatorisk	Legane skal delta på BEST-kommuneøvingar når desse vert arrangerte, og får vanleg timeløn
Gravide som går ut av vaktordninga i siste trimester	Dei får betalt etter oppsett turnus

Forhandlingsutval

- Arbeidsgjevar stiller med tre arbeidsgjevarrepresentantar som avtalast i drøftingsmøte før forhandlingane
- Utval av tre personar av tillitsvalde legar i kommunane, inkludert tillitsvald ved NLV/ØHD

Nordfjordeid, 26.11.2024


Barbro Longva

Kommunalsjef helse og omsorg Stad kommune



Mari Holm

Tillitsvald Legeforeninga

Sak nr. 24/4524

